

Til Alver kommune .Plan og byggjesak V/Hogne Askeland.

Dykkar ref: 20/15123-20/68240.

Vedk. søknad om utsleppsløyve for hytte samt søknad om byggjeløyve for utsleppsleidningen og slamavskiljar for gnr. 357 bnr. 42 Skorpo 1, 5917 Rossland. Tilleggsdokumentasjon som svar på dykkar brev datert 28.10.20.

Tiltaket gjeld søknad om utslepp frå ein fritidsbustad på gnr. 357 bnr. 42 på Skorpo 1, 5917 Rossland. Tiltakshavar skal her montere ein slamavskiljar godkjend for fritidsbustad. Frå bustaden skal avlaupsvatnet førast i lukka leidning til sjø til ei djupne på 10m. Det skal innleggjast vatn i hytta med vassklosett.

Endra plassering av slamavskiljar og utslepp.

Tidlegare innsendt kart med plassering av slamavskiljar og plassering av leidning og utslepp er korrigert til ny plassering. Sjå korrigert kart samt brev frå tiltakshavar med tilleggskart. Ny plassering er betre tilpassa terrenget og er samordna med 2 andre hytter i område for tømming av tankane frå båt samt at resipienten på vestsida av Skorpo betre enn på austsida.

Søknad etter Plan-og bygningslova Tilleggsopplysningar.

1. Gjennomføringsplan er laga til og ligg ved.
2. Skjema for ansvarsrett for Fløysand VA as er justert.
3. Tiltakshavar har erklært ansvarsrett som sjølvbyggjar for gravinga.
4. Førebels svar frå Bergen og omland havnevesen ligg ved der det vert etterspurd om hytta er stadfesta godkjend av kommunen. Førespurnad er sendt kommunen, men er førebels ikkje svara på. I kommuneplanen for tidlegare Meland kommune er hytta registrert som godkjend.

I forureiningslova prg. 12-5, 3. avsnitt står det: « *Kommunen skal samordne søknad om utslippstillatelse etter dette kapittel med søknad etter Plan-og bygningslova.* »

Eg tolkar dette vilkåret slik at utsleppsløyvet og godkjenning etter Plan-og bygningslova for det tiltaket utsleppsløyvet gjeld for skal samordnast i same vedtak vedk. godkjenning. Dette forenkler saksprosedyren for alle partar.

Vonar at denne orienteringa samt nye og justerte opplysningar kan føre til at søknaden vert godkjend.

Frekhaug 31.10.2020

Jens Bjørdal.